

邵陽縣志



邵陽縣志卷九

人物 上之一 政學

十室之邑必有忠信十步之內必有香草邵陽四面皆山民氣沈奧類多特行君子其爲學究極根柢能成一家之言出而仕不競時趨遇盤錯多自見至卓行徽範亦足以章教勵俗苟湮鬱無聞匪獨當事之差抑世道之憾也人物第九

夫姬公六行不但州里之高孔氏四科各求輪轅之適觀今以播惠政敦古以振微學兼斯二者其庶幾乎作政學傳 唐胡曾舉進士不第咸通十二年路巖爲劍南西川節度使辟掌書記有草檄喻西山八國來朝事 何光遠鑑戒錄刊木夾一條載高駢鎮蜀會爲記室有西山八國來朝事案事見唐書路巖本

傳高駢傳宋見何氏殆以兩事誤合爲一耳詳道光府志

高駢鎮蜀又辟之時南詔蠻橫

甚遺駢書有飲馬錦江之語曾答之曰夫物居中者尊也處外者卑也是以衆星共北辰百谷趨東海天地尚不能違而況於人乎蠻屈伏乞和由是箋奏皆出曾手曾老於幕府嘗一爲延唐令請於朝建舜祠玉琯山下著有九疑圖經又有詠史詩三卷安定集十一卷見唐藝文志歿葬秋田祀鄉賢

考唐乾符二年高駢鎮蜀辟曾爲書記駢徙荆南曾上書有某家居湖外卽出

關中途道假於荆關復起居於梅鼎語蓋猶從之至荆駢去荆移鎮淮南叛逆始露竊意曾必先有所見決然辭去故自離京後卽無一語及駢卽明萬歷中分守參政王志遠安定集序有云曾始終未能詳考然墳在里中秋田鄉羊虎未盡崩褫其爲終老於家可知嚴鎮蜀辟曾掌書記在咸通十二年以曾謝路相公啓感潘生之歲月已歎二毛語推之至乾符二年年二十六隨駢至荊州時近四十矣楚賢文苑謂曾天福間廢舉不第嘗志至諸會以天福間狀元及第不知乾符下距石晉隔六十年豈有爲書記於六十年前而及

第反在六十年後歷爲狀元不經乃爾又云梁貞明間入蜀作詩諷王衍獲罪乾符至貞明亦四十年曾雖貪榮冒進不應垂暮將盡再以身涉險且老而始爲延塘令也又言曾補南遠令唐時無甯遠之名不足深辨所著詠史詩三卷安定集十一卷久佚明王志遠搜輯序行稍爲完帙康熙中開全唐詩局於金陵縣人車鼎晉入局襄事得曾詩一卷四庫全書總目邵陽胡曾詠史詩一卷提要云文苑英華載其二啓皆干謁方鎮之作夫以山斗文章至有三上宰相贊或亦其風氣然也均詳道光府志

曾裔孫宇亭建祠

秋田車以遵作記 宋進士李傑累官至知永州移知絳州提點川東

刑獄元豐中以金部郎中出爲荊湖南路安撫使恭儉勤靜有古名臣風知永州因事過邵省先墓出私錢買書萬卷遺郡學又買田爲義莊後田曰闢易名曰同莊以爲義之名不敢居與吾祖所自出者同之爾法以族之賢者司之視豐歉爲出入父行倍兄弟兄弟倍姊妹月計而季給之喪葬冠娶赴舉之官則視服制爲等差戒其子無有所私傑歿

後兄子楷稍變其法歲綜所入時匱乏而預與之族人稱便又於同莊爲祠以祀其先世示不忘焉縣令侯延慶爲之記 王元春慶元間進

士官零陵令創縣學於愚溪口置義廩歷官朝議大夫左司諫兼侍講尋出知湖州寶慶元年潘壬等作亂挾濟王竑等欲立之王不從遣元

春告變論功再典大州終吏部侍郎祀鄉賢

宋史方技傳載孫守榮臨安富陽人寶

慶初游吳興間聞譙樓鼓角聲驚曰旦夕且有變土人常有典郡者見王元春卽賀曰作鄉郡者必君也春不之信越兩月潘丙作亂元春以告變功果典郡據此則告變之王元春自是浙人非吏部侍郎邵陽之王

元春明甚詳道光府志

羅宗之其先吉州人父忠以特科除南海簿卜築邵陽

中鄉之鐵塘家焉宗之咸淳庚午入太學踰年中特科進士官翰林知制誥屢疏乞還上念其文學忠勤賜銀幣給廩膳御書清肅二字寵其

行宗之廟以所賜建永慕堂奉敕其上朝夕泣拜示子孫不背宋之意
宗之嘗葬父鑿石得泉甘冽自銘以紀同縣斐濟爲大書刻石濟亦庚
午進士宋亡襁坐臥一室不復出宗之子克抑元大德間以薦授茶陵
學正遷桂林通判曾孫永諧幼敏悟洪武初舉賢良方正知陝西徽州
尋擢鞏昌府有政聲子至禮喜聚碑版聞有善本輒往求之舉通經儒
士授廣西平南令

舊志載元主事劉仲仁山東廉訪使李伯顏俱起家進士有政聲而年代失考

郡無實蹟以資稱述茲不復錄

明梁德遠其父廷用洪武初以辟舉官郎中忤旨

逮繫德遠席藁待罪不御酒肉十八年成進士辭不赴宴請代父戍太
祖董廷用罪而授德遠工科給事中尋謫太平令縣多逋賦去其浮苛
賦寔兩畝不擾民祠祀焉後德遠成進士者宣德時鄧履純官至布政

使參議釐剔有聲正統末曾瓚官戶部主事以耿直忤權勢罷歸瓚能文工詩善楷法 李思聰其先姓趙爲宋理宗後宋亡改姓易理爲字徙居邵陽明初有名福者官州吏目思聰之父也思聰以洪武二十七年貢太學官雲南蒙化知州有循聲子鐸官梁山知縣舊志稱其篤謹喜振貧乏鄉人有爭悉往聽質嘗捐私財飾學宮李氏自思聰後以貢得官者二十五人貢而未仕者十二人以例得官者又十人舉於鄉者三人門才頗盛其著者經成化癸卯舉人鐸係也宰江西安仁縣多盜撫禦有方民祠祀之家居喜爲詩與康憲楊廷芳曾景鑑結社唱和年九十卒弟緯歲貢博學有厚德通判兗州又李鳳岡嘉靖戊午舉人好學通經尤長於春秋三傳受知太倉王錫爵後官雲南趙州知州再任

四川廣安廉靜得民心子孟實萬歷歲貢嗜飲喜吟怡情山水時里中爲詩社預酌酒以待曰詩不成毋飲也孟實連舉數觥吟數絕咸服其工而敏晚官廳山訓導著有兔園冊四卷又舊志稱萬歷癸未歲貢李鳳至授青田知縣恬退不就天啓甲子舉人李孟魁銳意清修皆思聰裔也人國朝首入郡庠者爲李鳳儀時流寇未平鳳儀結鄉民禦之闔境安堵從學者先後不下數百人著有羽伯詩文隻各二卷讀史便覽四卷曾才瑛元季時人父福仲見流寓才瑛以經明行修應召官太常寺典簿遷光祿寺署丞旋擢衡王府審理頗進規諫靖難兵起棄官歸隱胡庸將薦諸朝再與書才瑛皆不答謂君亡不能死何以見鳳詔於地下乎鳳詔其族子以御史殉節者也才瑛著有蒸上吟曾孫景

鑑諸生聞見博洽好爲詩時茶陵李東陽當國以風雅號倡天下景鑑
官中審執贄稱弟子東陽爲指示源流其學益進及歸東陽序送之推
爲盛唐高手家居與楊廷芳李經結社唱和時稱資陽三逸著有嶽游
草 徐良善屬文工草書凡精易學著有讀易指南

見朱彝尊經義考

宣德

中以經明行修徵爲本縣教諭又以楊溥薦擢知鈞州卒於宮孫永宏
治癸丑進士 楊衡歲貢生偉洪武中舉茂才雲南臨安府甯州同知
衡性孝尤善事庶母官高郵州吏目事利民者輒爭諸長吏必行乃已
景泰中州大旱蝗衡規畫振贍荒民獲全子廷芳由進士授大理寺評
事轉左寺正授貴州按察司僉事居官清慎所至多平反尋歸主講東
山書院貧甚讀書不輟大守石鳳管分俸給之卒祀鄉賢廷芳有雪鑿

詩云折竹自伸前日節冰山消卻舊時威蓋感劉理事也 王韓寬德
中舉人官廣西道御史有風裁劉鼎官四川井研縣有惠政終南直太
平同知劉銓以禮經授徒歷官雲南大理同知貴州黎平知府地皆邊
徼民夷雜處銓教以禮民化之同時唐凱官雲南楚雄同知剛介任事
不避權貴楊泰官銅陵教諭博學多聞言行謹恪以師道自任與劉銓
竝祀鄉賢縣人以太學生官臺諫者洪武時陸榮官給事中張霖官山
東監察御史羅彥斌官山東巡按御史李原暹官雲南按察司僉事竝
持憲不阿風裁甚著以州縣顯者甯洪陳芳羅文袞高漢諸司教職則
甯瑄盧珍黃遜諸人洪以舉人官知縣治尙簡易芳交趾知縣文袞安
慶同知俱有廉惠稱漢崇善知縣以慈直忤上官歸瑄官廣西布政司

照磨升經歷致仕歸時歸休之員有司時存問之而干謁請託亦由此起瑄剛介絕跡城市鄉人敬之珍興化主簿慈儉有治河功遷雲南太和教諭誨生徒久而不倦載大理志漢子公佐以歲貢官文昌主簿質直敢言升蜀府奉祀孫岡鳳歷官濟甯通判保德知州所至士民愛戴歸田後倡建北塔子愈謙孫士進踵其役乃成愈謙士進皆歲貢愈謙官楚雄知縣士進官慈利訓導瑄子維官天津衛經歷瑄戒之曰官雖卑好爲之幸無自棄抵任大吏委治河土夫率用柳畚維以竹箕便捷請易之工遂速竣擢許州同知偕維以例監起家者爲羅思景官京衛經歷有幹略當事方引用忽辭歸人服其勇退吉水羅洪先序送之甯順正德中以舉人任高州推官卓異擢知連州州有險路曰順頭嶺

出俸脩除之連人歌曰順頭羊腸今成平康允矣使君今之甘棠連俗
好訟賄賂相競頑廉靜吏胥患苦竟鳩殺之族子瑛廩貢生學有根柢
與衡陽鄒太冲王散縣人王元復交好家故饒歲饑綱植發糶所入多
以之除道梁水子功藻以諸生官廣東廣慶糧廳兼倉場條示式程清
積弊調平山決爭塚獄旋署昌化卒於官弟功蘊功洽均附貢功洛潛
均監生潛有文譽治家嚴肅羣從子弟無敢舍業而嬉者有族子二人
宗緒單子貧不能昏爲娶婦割產給之潛子習以舉人官順天文安知
縣調正定膺南北通衢官一意迎伺習絕請託裁冗費暇則坐堂皇決
事案無留滯 純廟西巡供帳立辦不病民擢蔚州知州卒習與洛子
德懷並通經學同縣周思仁稱德懷文得歐之神習得蘇之氣德懷官

永順縣解官家居三十餘年以學行爲族里矜式 習從父杰忍讓
厚施語子弟曰我肯吃虧俾人得便宜可以培養天良勿謂小而
不爲也嘗購某田某乘毀取其禾聽之某悔爲踵門謝子浩溥均
恩貢浩著有易經解春秋諸國彙編浩從兄涵諸生嗜酒好讀書
有得輒飲巨觥且飲且讀疾革促家人治酒飲一笑而逝著有潮
汐考一卷月令明堂稽疑二卷詩文隨意若干卷又有甯顯嵩
亦貢生著有勤學堂稿古今傳論中庸總論 唐鳳儀父佐雋
孝舉於鄉以母老不赴禮部試家居教授晚官慶遠推官卒
鳳儀成進士累官監察御史奏請添設監司分守各道出按江
蘇疏表死宸濠知府宋以方之節改按浙江浙俗汰婚嫁費不
貲多至愆期鳳儀立限年法如勾踐故事民便之呼曰唐父

稍遷僉都御史出撫四川時芒部亂用兵久又歲奇荒特疏請設賑濟再上冒烏蒙烏撒東川諸土官故與芒部唇齒自芒部改流諸部內懷不安以是反者數起臣請如宣德中復安南故事詔卽罷兵時蜀人楊廷和當國鳳儀不與通久之僅循資遷左都御史以母喪歸尋卒興獻王在藩邸時雅重鳳儀嘗書康甯二字賜其母王府志作周氏及卽位乃加璽焉時人榮之所著有浙巡錄芒部紀事詩父子俱祀鄉賢裔孫之皋郡學生年九十六知府陶珙旌其門車大任父承道著有尙書大指大任年十歲補弟子員萬歷八年張懋修榜登進士授南豐知縣時官田多抑配見戶請聽民買耕報可檄鄰邑仿行御史某劾其沽名坐落職會戶科條陳虛糧部議大任實有功由平谷尉稍遷遵化令行取

歷南評事禮部郎中南都無事日與鄧廷瓚羅洪先耿定向諸人講性命之學值倭寇犯邊出守福州練軍實繕城隍行常平社倉法治行爲八閩冠遭父喪服闋謁選吏部丁哲初者閩人也擬注漳州浙江賀伯闇曰吾嘉久缺賢守願以見讓遂注嘉興既至蠲宿逋出久繫均調漕綱兩征置學田膳士每衡文輒以尺幅定人終身嗣擢按察副使分巡浙西道兼整飭嘉湖兵備建人文書院延知名士倡熙文教擢布政使司左參政分藩溫處考滿推巡撫以母老辭歸天啓初進階布政使吏旌所居曰仁孝里卒祀鄉賢車氏名宿甚夥大任實爲之倡所著有囊螢閣草四十卷歸田集十卷古今喻言二十卷詩見明詩綜子以達以達以達以達著有京兆內外編以達著有螢照齋集以達崇禎中詔舉

人才以母喪不赴餽滿當貢巡撫復薦之會賓慶陷時張獻忠逼紳士授偽職以違投縲得免桂王時授撰文中書不應至國朝屢薦不起本年八十三著邵乘臚句聲香閣草高霞堂正續集貝葉集凡百餘卷明末詩多宗竟陵以違獨持異陶汝鼎序稱其晚年思益沈學益大品益高子萬含萬期萬含有柿寫堂草萬期康熙年歲貢性坦率都人士醺集成以座無車公不樂也著雨石齋稿月村稿以達子萬合幼孤善讀書九歲隸縣學爲督學董其昌特賞舉天啓鄉試第一考官繆昌期貽書以曾子固目之昌期罹陷禍萬合有疾聞之憤恚不食卒著有尙書集義靜遠齋文稿子鼎黃副貢明亡隱居不出其詩文蘊藉淡遠好與方外唱和著有還雅堂集邵陵風雅集博文強識郡中推爲祭酒嘗

聘修湖南通志不赴子无咎歲貢生鼎黃年四十始生无咎於涪溪初名檀字涪生後改无咎更字補旃蓋有所咎以志補過意也學精湛與王元復齊名督學潘宗洛評其文云王子較大車子較精時宜興儲大文在潘幕試畢訪元復无咎旅店訂交而去生平內行肫篤父嗜核桃母嗜橄欖終身不食二物嘗扶母體過資江清溪灘遭風挽斷舟觸石將沉號痛呼天須臾風止得免所著有尚書口義辨類編切己錄家鑑承雅堂集諸書論略木石居古文老圃雜說 車大聘以歲貢官常甯訓導喜吟工書尤精繪事著有畫譜說年九十數爲鄉飲大賓又車萬藻著有潛居稿車萬啓著有恭壽堂詩集 劉應龍曾祖進天順六年舉人官知縣父鑿官彰德府通判慈惠有聲應龍以進士仕崑山令裁